

松
壽
堂
詩
鈔

松壽堂詩鈔卷九

貴陽陳夔龍筱

北門續集 辛亥

元旦口號

己光雙歧麥先開六出花

是日大雪

冰寒官漏靜風颺

國

旗斜挽鹿思吳廬烹羊愧黨家時艱百無補容易感年華

元旦冒雪謁曾文正公祠

清議神明兩不疚如公俎豆足千秋程朱正學無私派
方召中興美壯猶有技能羅諸將相論功合祀古燕幽

元辰小立門前雪一瓣心香祝故侯

午後約嚴晴初徐小舟諸君西園踏雪遂登紅樓
歸而縱飲疊前韻

青鞵踏徧西園雪預卜東郊歲有秋入幕衆賓容嘯傲
登樓一老尙夷猶獨嫌圍帶年年減除卻官書事事幽
喜氣都歸浮白裏錫封合號醉鄉侯

和答傅沅叔學使元日大雪四首

寥天開粉本布瓊瑤歲籥新調鳳 宮衣舊賜貂
綠章通丙夜白戰肅寅僚預卜豐年瑞寒從四九消
世界琉璃脆丹青畫不成曾陪梁苑賦已報蔡州平曉

日朝正罷東風送客行撒鹽差可擬擲地不聞聲
一尊醅醕酒沈醉語尤顛詠柳憐嬌女探梅憶舊年鴻
飛留爪印花撲鬪燈妍領得清涼趣都忘百慮煎
不夜乾坤色春來便不同寒光轉晴翠番信數花叢陸
海銀濤捲天家玉戲工身依瓊島近未覺輭塵紅

人日集藏海園適奉安甫同年佳什依韻和答

南衙初放集西園惜少新詩壓白元人日懷人悔書劍
客星勸客樂琴尊俄看晴雪搖銀海已報春風度玉門
是日立春料得逢三花市盛哥窯瓶鉢定窯盆

平泉草木待春蘇宦味闌珊道味腴蜃氣已成滄海市

詩籠合借碧紗廚纔黃楊柳迎風面慘白梅花稱雪膚
老去登樓腰腳健未須筇杖一枝扶

和徐花農同年

客裏嬉春百不嫌辛盤風味飽齏鹽頻斟柏葉何辭醉
貪看梅花未害廉笑我苦吟燒燭短知君舊債買琴添
雲藍忽捧瓊瑤什晉帖唐詩一手兼

時晴快雪曉光融樂歲聲含笑語中一色琉璃開畫本
聯篇珠玉走書筒詩題人日情應遠曲和陽春句未工
猶憶宣南燈事好馬蹏曾踏輦塵紅

和徐芷升觀察人日讌集用朱竹垞先生人日韻

人日草堂先得句番風花信已回春青旛綵仗檐前舞

綠鬢朱顏鏡裏新

是日合照主客共四十人

中歲煩憂消酒壘一時

裙屐盡詩人圖成主客東南美行樂惟應及令辰

上元詠牡丹

花氣煖如蒸瑤窗瑞靄凝獨標傾國色留伴上元燈月
鏡窺全相風旛護幾層天然真富貴翦綵薄吳綾

酬何潤甫同年

瞳矐曉日照金臺大地陽春有腳回新歷甫頒知漢臘
舊書可讀惜秦灰聞琴已訝朱絃改看鏡偏憐白髮催
獨羨詩人何水部興酣東閣苦吟梅

元夕河橋觀燈

十丈赤霞蒸清宵露氣凝月華元夜宴風景大橋燈繒

綵花千影琉璃塔七層漢家傳蠟燭官錦換青綾

次日官中

釋服

夜夢紋女用亭秋韻

卜壤南高對北高

女墓在南高峯下三台山之右台山麓

比鄰詩老助吟

豪

詩人俞曲園先主墓在其左

七年茹痛重回首一夢投懷感屬毛

天上有城開不夜人間無地著離騷兒時笑貌分明在

忍檢筠箱舊錦袍

十六夜卽事

銀花火樹蒸漏點釋冰凝珠勒初停轡金錢正買燈屏
開雲疊疊簾捲霧層層簫鼓誰家院清歌一束綾

二十日有懷蓮漪夫人疊前韻

委爾荒邱馬鬣高憐余湖海氣難豪偶拈畫筆思眉黛
獨對遺匳感鬢毛玉化永留秦女恨魂招欲賦楚人騷
俸錢今日空贏萬猶憶牛衣泣縕袍

福兒浹姪進京入貴冑法政學堂作此勗之用元
旦口號韻

長安居不易走馬莫看花雪重羊裘薄天寒雁序斜儉
勤期汝輩儒素本吾家須識讀書樂書中有歲華

幼石二兄由渝回黔省墓作書寄之卽題其後

春日盤江上南飛一雁還北書煩汝寄魂夢繞家山

新正廿五日雲貴鄉人公讌於藏海園卽席賦示
諸君子仍疊前韻

未信樓臺近水高德星今日聚賢豪迎眸快雪留鴻爪
尙齒高風重燕毛合坐枌榆忘主客幾人壇坫繼莊騷
坐中詩人甚多藏園似海春難徧白傅裘慚范叔袍

和少石大兄人日遊東園詩韻卽以奉懷

聯牀欲借雁填橋一日三秋勝采蕭珠海鶯花初上市

來詩東園左右舞臺歌館將次落成丁沽魚蟹正通潮吟成白戰詩稱霸

醉啟黃封酒買嬌何日還山遂初服鄉音同奏玉屏簾
和大兄初度日登鎮海城樓一首

詩愛東坡畫巨然出山清比在山前杯銜香澳千帆月
袖染羅浮兩點煙樓外看雲花外騎夢中生草客中天
海南風雅今銷歇瀾挽煩君障百川

二月六日口號焚寄淑卿夫人

舊恨不堪說今朝薦几筵臨風聊破涕欲補有情天

春日遣興疊花農韻

晚節黃花淡不嫌太羹滋味卻梅鹽湖山夢想終成癖
風月招邀不礙廉杯酒偶緣看劍引鑪香還爲讀書添

一春番信從頭數藏海何妨更隱兼

河橋風軟凍初融九十韶光淡冶中
世事何堪窺豹管生涯拚付釣魚筒
頻來燕子皆成侶欲畫麒麟恐未工
不減兒時風味永小窗燈火夜深紅

和答澗甫

最喜釀花天氣好半含冷意半含溫
踏紅忽憶塵如海奪綠俄驚句到門
刻燭三條詩有債題襟十載酒留痕
名場喚醒春婆夢齒德人間重違尊

疊韻再答一首

寒宵忽捧琳琅句如覩高人笑語溫
焚草有聲馳紫禁

種瓜垂老戀青門
窗前白塔雙尖影
屋後西山一角痕
遙想懷人風雪裏
香盈寶鴨酒盈尊

春夜卽事用蘇臺留別詩韻

樓船橫海憐天吳
一擲成泉注不孤
曾向蘇臺看走鹿
又開楚幕聽嘑烏
款關有客哀松杏
執壁何人繼穀蒲
會李兩侯總制北洋勳名鼎
盛下走忝任是邦適滋愧已
如此河山如此局
願教益地補呈圖

日暮丁沽正落潮
娉娘翦燭雨瀟瀟
荒臺市駿空遺址
獨客聞鵲尙有橋
薊北春酣金谷酒
江南秋老玉人簫
乾清夜半傳封事
金布新頒漢六條

一斛葡萄博一州弓旌虛費夢中求
不聞枳棘棲鸞鳳擬伴菰蘆狎鷺鷥
舊雨悵成江海別恆沙淘盡古今愁
榻前未許他人睡古戍荒寒戰壘秋

驚馬嘶風已十霜羣空一顧感孫陽
堯年語鶴祥占雪媧陞鏘鸞雅奏簧
劫後尙留殘壁壘別來猶戀舊家鄉
柳眠棠睡無消息勉爲催花擊羯忙

馮星垣中丞寄示哭弟果卿觀察詩十章率答一首

兄弟君家不可當一枝忽折棣華香
西沽月落烏囀夜南浦雲飛雁失行
忍向夢中尋小謝未堪客裏過重陽

來函云丁未九月與果卿別於津門遂成永訣論文我亦增惆悵尊酒無人細共商

陸申甫方伯蘇州來函新葺寒山寺屋宇落成索余賦詩紀事遙寄四截

一別姑蘇感舊游五年客夢上心頭逢人怕問寒山寺
零落江楓瑟瑟秋

丁字沽頭夕照濃客船隨處寄萍蹤海光玉鉢聲聲澈

如聽楓橋夜半鐘

津門海光寺玉鉢爲高廟丙午御製賜藏寺中余有詩

張句推敲兩字訛江村漁父費摩挲曲園老去春何在

苔蘚封碑半滅磨

唐人張繼楓橋詩江楓漁火句前人

俞曲園先生
作詩刻石

舊地新開選佛場，烏喙月落幾經霜。重來應有櫻花識

祇恐山僧鬢亦蒼。

日本白須領事舊植櫻花兩株於寺內，余曾於花時傳觴速客。

輓孫佩南京卿

京卿歿於元日

病馬嘶風疾一尊，遙奠君人誰傳正學天。忍喪斯文北海爭馳譽，南宮早策勳。彈琴鳴百里，下筆掃千軍。景倩登仙籍，張華廣異聞。桐城源一脈，梁苑禮三薰。心慕鞭曾執，魂銷袂倏分。贈言容我拙，開卷服公勤。大陸豺當道，寥天雁隔羣。祖孫憐令伯，師友重劉蕡。不謂朝元日，翻教哭暮雲。箱遺王氏業，詩唱鮑家墳。召伯棠猶愛，龔

生蕙竟焚秩宗摧泰華模楷失河汾膠澳悲鼯睡丁沾
悵夕曛惟將芻一束聊作野人芹

上巳日信睦堂公讌西賓卽席賦詩仍用上年修
禊韻

中外邦交繫一身瓊筵喜聚四夷賓新翻菊部坊頭曲
恰似蘭亭座上人玉敦珠槃大和會歐風亞雨太平春
年年清酒黃龍約燕樂欣逢祓禊辰

和張馨安都轉韻

甌篲一片月初三歌舞曾停遠客驂化被萬方宣上
德庭開九譯接清談金尊隔座狂呼酒紅燭當筵細擘

柑和會恰逢修禊日海天如鏡碧波涵

花農和余客臘詠水仙詩率答二絕適窗前水仙

石榴盛開並寄京師時清明後一日

養花時節半陰晴九十春光畫不成天意憐人魂易斷
無風無雨過清明

淡白風懷婉轉思綺窗留得歲寒姿清操未許他人共

移向山亭伴寶葵

花農新營
寶葵亭

清明後二日偕楊逸真嚴晴初王言伯包柚斧陶
心如及福兒遊園漫興一首

積雨鬱成陰怯寒肩尙聳春色候過半有如丹走汞信

步踏芳泥雨後苔痕重素心四五輩俊遊興何勇紅桃
二兩樹根自何年種一樹甫著花餘若蠶在蛹今年芳
信晚未覺旛風動清明昨已過鄉心馳上塚一尊留客
飲鯨吸川難壅夕陽解人意樓外一角擁老鶴溷鵝羣
相對忘辱寵獨有賞春人詩思百泉涌

上已公讌西賓余既有詩紀盛傳沅叔學使復呈
限韻四律走筆和答兼示座中諸君子

寶筵秩秩雅歌三花外旌旗柳外驂萬里車書恢遠略
五洲冠蓋集華簪寶星上國雙龍舞瑞雪今年一鶴談
情話睦堂通九譯問官何必遠詢鄰

一德相孚戒二三海天如鏡掃浮嵐光輝近喜依辰北
瘴癘新聞淨日南歌到玉簫聲婉約宴開金谷夜沈酣
八方和會鯖筵盛纔破鱸魚又破柑

卜夜何嫌漏轉三高燒紅燭淚猶含傳杯鼓奏催花羯
下筆詩成食葉蠶中歲竹絲寫哀樂連宵風雨釀和甘
東來望氣函關紫報聘今無柱下聃

如弓月影恰初三一片春光抹蔚藍犯斗客從天外至
看花人向霧中參柘枝度曲須防誤竿木逢場祇自慚
曾是永和修禊日料應觴詠續庸龕

感事一首和答陳仲恂觀察

起舞中宵興未闌
望京依斗幾凭欄
清談風月容吾輩
極目河山愧此官
堪笑書生窺豹管
敢忘慈母和熊丸
坐間談先太夫人機聲課讀事
朝廷論將聽鼙鼓
天半靈旗下曲端

藏海園遣興

紅樓昨夜雨纖纖
晨起褰帷冷意添
三徑雲深無客至
一春雪重比冬嚴
痕留舊酒看襟上
興到新詩繞筆尖
卻怪東風太無賴
半池吹縐水中圓

夜闌疊前韻

風過檐鈴月上纖
鑪煙裊裊篆香添
紅飛不到芳韶晚
白戰猶酣禁體嚴
作客生涯催老大
持螯情趣憶團尖

青燈可似兒時味七寶新開玉鏡奩

再疊前韻

花陰層隔漏聲纖雨後泥融衆綠添落紙雙鉤臨禊帖
焚香一卷讀華嚴觴流曲水蘭爲契鋤種疏籬筍吐尖
十二屏山應未遠嗔人鸚鵡欲窺匳

三月二十八日皖公祠西園展禊仿柏梁體聯句

限韻

展修禊事續初三

貴陽陳夔龍筱石

雍容珠履來停驂

項城張鎮芳馨安

尙書十載飛華簪

錢塘許引之汲侯

揭來勝賞翻清談

仁和王克敏叔魯

何必更問僑與鄰

江安傅增湘沅叔

丁沽楊柳染煙嵐

伊通齊耀琳震巖

杏花春雨思江南

懷甯葉崇質文樵

晚桃豔冶方沈酣

嘉善錢明訓星垞

來攜斗酒與雙柑

漢陽洪恩廣翰香

綠樹陰濃宿露含

歸安俞紀琦仲韓

柔條三月合眠蠶

壽州孫多森蔭庭

宦味歷盡酸鹹甘

筱石

知足不辱學

老聃

惺安

筆綵五色光雲藍

汲侯

簿書稀簡放早參

叔

魯

有酒不醉真懷慚

沅叔

詩成合付梧門龕

震巖

折花

欲廉看欲貪

文樵

花猶如此人何堪

星垞

一畝之宮萬

象函

翰香

驪珠祇合讓公探

仲韓

酸根有味殊醅醅

蔭

庭舊人尙在思何哉

筱石

嫋嫋精舍與亭秋聯句

一覽名園勝

亭秋

東風繫客情

筱石

綠陰春漸老

亭秋

紅溼雨初晴

筱石

雲鎖長廊靜

亭秋

波澂曲沼清

筱石

魚知穿荇樂

筱石

鳥弄惜花聲

亭秋

日色天邊近

筱石

潮頭海外平

亭秋

不須三徑掃

筱石

得句喜同賡

亭秋

初夏卽事聯句

聯步畫欄東

筱石

春歸惜落紅

亭秋

鄉心濃似酒

花信

淡於風棋換長安局

筱石

舟迴大海篷茶甌香味永

亭

秋此意有誰同

筱石

凌潤苔方伯保陽郵寄四月九日同人遜園看牡

丹聯句詩惜余未能躬預其盛率和一首

保陽花事如洛陽選勝偕來紫雲鄉溯洄宛在水一方
名花名士生輝光賦詩何止追三唐柏梁體製擅專長
匪貪多朱愛好王天然富貴發古香詞成鏤鏐鋒莫當
舉酒共醉傾千觴諸公鎮日爲花忙我亦依斗瞻倉琅
畿南作鎮幾星霜閒評魏紫兼姚黃萬花香海合望洋
譜入羣芳溯金張黃金爲砌玉爲堂移向日邊捧玉皇
疊韻一首索亭秋和

迴廊西復東一抹夕陽紅已過桃花雨微迎柳絮風新
巢輪燕壘舊夢繞烏篷領得無言趣如蘭臭味同

錢莘垞觀察招飲衙齋地本北洋行館庚子後始
改權關卽席口占

劫餘猶剩此亭臺三徑煩君爲我開草木平泉成舊夢
簪裾高會又重來尙遲芍藥園金帶喜折藤花入酒杯
卻憶遜園風日麗有人曾看牡丹回

潤苔方伯新示保陽遜園看牡丹聯

句限韻詩
余有和章

四月十五日由內閣奉 上諭特賞一等第三寶

星敬紀以詩

玉匣雙龍製造工北門掌鑰愧旌功 恩叨蒲穀躬桓
外人在風雲雨露中七寶裝成身價貴一星捧出夜光

同羅胸耿耿增芒耀高會衣裳萬國通

騁懷軒晚興聯句

初夏薰風輓

筱石

相偕步綠陰長空仙蹟渺

亭秋

曲徑

暮雲深活火宜烹茗

筱石

鳴泉似鼓琴

主恩無可報

亭秋

歸隱有同心

筱石

一望平鋪翠

亭秋

林深鳥弄簧帆收斜照影

筱石

風送

半池香軒靜欄同倚

亭秋

波平海不揚七年無限意

筱石

石兩鬢各成霜

亭秋

藏海園聯句送趙次珊督部之任奉天

底事詩腸澀

亭秋

懷人夜出關短衣千里別

筱石

匹馬

幾時還瘦骨支離甚

亭秋

雄心自在閒毋忘發祥地

筱

石再造舊河山

亭秋

又見兒童樂

筱石

重來竹馬迎使星旌節貴

亭秋

甘雨

黍苗生日近心常捧

筱石

風高裊本清匡時須努力

亭

秋珍重故人情

筱石

廿七日晨起園中遣興聯句

領略名園勝

亭秋

清和四月時鳥喧人寂寂

筱石

春去

日遲遲翻砌花圍帶

亭秋

垂檐柳挂絲駐顏憑酒力

筱

石多病怯風欺樓外數聲笛

亭秋

牆頭一角旗天中佳

節近

筱石

艾虎費尋思

亭秋

製艾虎極其工緻

紋女在時手

題何潤甫同年湖天春泛圖

湖干我亦支筇徧展卷輪君自在閒
欲向中流共容與
白雲何意早還山

宦境無憑莫浪評
騎驢誰向畫中行
淡妝濃抹難諧俗
眼底浮雲富貴輕

初度日花下作

藥紫榴紅間碧蘭
花前陶寫一凭欄
不妨今歲同居易

香山詩今歲

未必蒼生望謝安

諸公壽詩以謝傳五十歲入相期許余則何

敢梁案待商
淮髻隱沈腰
虛副帶圍寬
戟門似水心無

滓藏海園林五月寒

疊韻憶昌紋

記否爺娘喚木蘭碧城十二幾迴欄花間蜨舞曾稱祝
夢裏雞聲當問安飲恨汝緣藥畏誤澆愁我謝酒杯寬
生朝蒲艾都蕭瑟黃竹江干夏亦寒

以鮓魚贈漁溪都護有詩枉謝和答一首

開函驚適口

來詩有烹鮓
詫口福句

深荷性情真遠道鱗妨損長

城句詫新登堂思拜母置驛愧通賓花市逢三醉知君

正買春

來函初
三日發

賞雨示亭秋

連朝苦炎熱一雨忽驚寒池小鱗潛樂窗虛眼放寬百

年已過半三徑且盤桓祇恐銖衣薄臨風莫倚欄

再成一首

雨過風猶急瀟瀟生夏寒
輭泥游腳滑雜坐酒腸寬
菱舍棠思召江潭柳感桓
園鄰天尺五依斗一憑欄

遣興仍疊前韻

瓊樓兼玉宇高處不勝寒
禹甸河山古羲皇歲月寬
置身期稷契定霸薄文桓
花事更番歇懷人芍藥欄

雨夜有懷

片雲催雨急時覺晚風涼
蜨夢花間熟鸚歌樹底忙
樓窮千里目徑曲九迴腸
不惜金龜換今宵酒債償

青鳥費疑猜。琅函信手開。鸞隨王母馭，駝送木蘭來。貝闕雲迷樹，瑤階雨潤苔。莫嗟親舍遠，咫尺卽蓬萊。

題何潤甫岫雲攬勝圖卷子

古寺歷寒暑，白雲時往還。一筇雙蠟屐，莫負好溪山。西山千芙蓉，水部一詩人。我欲隨之往，打門留晚春。

題吳橋范文忠公圖像

遺像清高肅，披圖起浩歎。出身慚我似，余亦三甲出身，改官兵部。大

節服公完兩月金。甌業千秋石井欄，京師雙塔寺古井旁，豐碑屹立爲公

致命之地。有明養士報模楷，後人看。

寄答王壬秋先生用陳仲恂贈高麗賀君韻

道咸老輩已無多千里相思奈遠何奪席抗心追許鄭

談兵抵掌笑江羅新詩分贈湘樓綺承遠寄正氣爭傳

信國歌

余新題吳橋范文忠公圖像

莫謂北門開鎖鑰

公昨歲贈詩有一自北門

閑鎖年來渤海不揚波

得假休沐示亭秋

鏡裏蒼蒼感二毛尊前猶得醉葡萄十年腹痛撾鞭策

謂榮文忠公

五月風寒似剪刀

今年夏令寒甚

老去怕看南浦別

頃

人回南頗觸歸志

時艱敢告北山勞離離草色池塘夢雨後澄

波漲半篙

夜深兀坐

河橋燈火兩三星沽口潮回第幾丁竹雨乍敲檐際鐵
松風遠度塔尖鈴棋銷一局攻兼守詩晤雙修影答形
收拾看人狂籍眼未堪垂白又垂青

以洞庭山枇杷寄潤甫花農

黃梅節後荔支天喜有金丸寄日邊尺素曾張揚子網
月前以揚子江鱗魚分贈分甘又到洞庭船橘中歲月思秦樹花下
風流寫蜀牋廿年前蜀江之游如在目前漫擬琵琶成誤曲一筠筐
勝四條絃

亭秋生日詩以壽之仍用見寄詩韻

世事何堪說生朝醉酒卮冰條官閣味風景故園思花

下一聲笛囊中五字詩廿年舉眉案相見不嫌遲
羅衣全謝卻夢繞水雲窠腸曲隨輪轉心瑩似鏡磨玳
梁思乳燕瓊沼上新荷介壽煩青鳥仙駟一再過

寄答孫師鄭吏部卽用其韻

開築天眞祖是師羣空冀北譽聲馳萬言日試知名早
一顧心傾覲面遲學有專門趨向合經堪奪席笑談麾
高山流水平生志難得牙琴遇子期

秉鉞回思拜 命初提封淮汴又三吳一官傳舍空籌
策十載潛郎忝贊樞叱馭未窺卬楚坂朗吟曾醉洞庭
湖前塵舊夢猶堪憶草草勞人敢告劬

眞誥新聞降白麻
光宣景物似乾嘉
六州鐵鑄同車軌
萬國兵銷息鼓笳
漢上何年種楊柳
元都有客感桃花
城南尺五頻回首
朱雀門開絢早霞

通德高門望若仙
服膺一善每拳拳
腹中笥已矜便富
頭上冠誰繪進賢
官舍紫藤情繾綣
家風紅豆思纏綿
儒臣榮遇談歸院
撤炬曾分殿上蓮

談虎眞成一市譁
蓬生自直不因麻
人才大抵窺斑豹
宦境差同畫足蛇
濁世獨清懷正則
情天莫補問神媧
敲窗五夜瀟瀟雨
青草池塘卧聽蛙

揮戈無計挽斜矐
恐有鵲聲耳畔聞
吳下賃春愧梁孟

殿中作賦美淵雲一牀布被平津閣萬樹梅花倩女墳
招得四朝風雅在拜嘉盟手誦清芬

星垞觀察贈高麗雙鶴感賦一首

河山破碎舞衣新曾是三韓劫後身易主樓臺誰識汝
冲天毛羽暫依人驚寒已斷還鄉夢分俸仍爲上國賓
他日一船邀與共琴書相伴未嫌貧

六月八日騁懷軒夜宴示亭秋

今歲逢夏閏六月不知暑爰趁休沐暇開軒一延伫半
池水漣漪游魚清可數不聞鸚鵡喚乃共荷花語巖罅
望飛瀑有若跳珠雨曲廊綠成幄虛堂紅列炬良夜美

清讌勿負尊中醕老妻瘦可憐相依等蛩駟扶病強爲
歡幽情足暢敘回憶十載前烽燧徧三輔亂後幸身存
遺恨失嬌女承命掌北門山海梯航聚月廩大官俸
時艱百無補竊位余滋慚乞身帝不許何時銷夏灣
扁舟任容與賃舂舂舂橋圍棋思謝墅昔賢不可作高
風獨千古芳筵一夕酒忘形到我汝忽聞遠寺鐘撞過
數聲杵藏海一身藏開籠放鶴舞

荷池賞雨與魏蕃室趙寶蘅陳仲恂嚴晴初聯句
限韻

藏海花事今年多

筱石

薰風自南拂卷阿

蕃室

庭前綠

樹交枝柯

寶衡

雨如碎珠點翠荷

仲恂

芳塘半畝鑑初

磨

晴初

對花一笑發高歌

筱石

鶴鳴鸚喚聲翔和

蕃室

片雲潑墨水盈科

寶衡

好書不換山陰鵝

仲恂

葉敲清

響雜佩珂

晴初

巖罅飛瀑倒銀河

筱石

安得手挽洗天

戈

蕃室

穿荇魚戲動微波

寶衡

擺脫塵組親輕羅

仲恂

思澀奈雨催詩何

晴初

五湖歸去理漁蓑

筱石

宦鄉歲

月眞如梭

蕃室

事治政簡芟煩苛

寶衡

披舉薜荔訪湘

娥

仲恂

園林雅集延清哦

晴初

詠園中高麗雙鶴聯句限韻

一靜息羣動

筱石

山梁性亦孔鳴鶴筮在陰

蕃室

速郵

矜賁寵來從高句驪寶衛開帷聊伴董英俊異凡物仲

何翩翻舞自勇警露影不孤晴初冲霄心對捧故國渺

山河筱石悲憤若泉涌懷抱一千年蕃室園林足供奉

獨具間雲姿寶衛乘軒孰作俑翻然對以臆仲恂時哉

立而拱俯仰天地寬晴初脫離百憂恐氤氲笑孱王筱

石百雉城不鞏滄桑感今昔蕃室仙骨自高聳行止何

昂藏寶衛嗚唳復滄海文采利來賓仲恂毛豐生細毳

九皋響遠音晴初休沐謝官冗滔滔慨雞羣筱石丹山

誰鍊汞已辦二頃田蕃室俸給不虞空高枝穩雙棲寶

衛豐草樂萋萋奉物微意可稱仲恂循名亦黃種脣亡齒

先寒

晴初

苞桑繫輕重

筱石

花農遠贈玫瑰花枇杷花兩種并賸以詩和答一

首

名花香味契淵衷
恰趁吟賸一色紅
瓊貺喜隨甘雨至
昨宵大雨今晨嘉貺適到
心清不礙火雲烘
入甌茶共雙旗舞
覓句紗宜四壁籠
休沐拜嘉情更永
已無冰炭在胸中

荷衣聯句限韻

卉服風原古

筱石

天然似織縑
玲瓏絲雪玉

藩室

綽約

影窺簾漢上明珠佩

質蘅

閨中錦軸籤
納涼情更淡

仲

恂

愛潔意彌謙
葉戲魚游沼

晴初

枝欹蜨
翬檐綠陰無

縫補

後石

碧樹有香添纖霧初含溼

蕃室

薰風不礙尖

點溪錢易買

寶荷

墜井粉頻沾雅製離騷屈

仲恂

新妝

刻畫鹽五銖紅裏拂

晴初

一色紺裙兼倚竹休嫌薄

筱

石

彈蕉肯受炎霓裳曾打疊

蕃室

仙袂自矜嚴話雨欣

傾蓋

寶荷

填河喜贈匳莫忘蘭佩貴

仲恂

仍守荔衫褰

鏤月燈前立

晴初

裁雲鏡裏占晨披驚露重

筱石

宵擣

謝泥霑淥水依王儉

蕃室

煙鄉詠子瞻凌波裝欲換

寶

荷

狎浪態常淹詩義締無斃

仲恂

禪心絮豈黏園林藏

海濶

晴初

花簇錦成幃

筱石

張馨安廉訪以湘臬調署長蘆嵯使詩以誌賀

作鹹厯盡苦甘來權把蘆綱易柏臺
麟美慣從津市買
雁回慵看嶽雲開
盧前暫屈居王後
晉用無妨借楚材
愧我一官同伴食
和羹洗手仗調梅

詠諸葛銅鼓聯句限韻

火德聲聞遠

筱石

羣雄割據交中原
成峙鼎

蕃室

丞相

聽歌鏡躍冶傳新製

寶蕪

浮湘避淺膠
洛鐘規霸業

仲

恂

蠻甲失堅巢雅韻
諧金石

晴初

龍潛協卦爻
指揮勞

羽扇

筱石

擒縱責包茅
北伐空馳檄

蕃室

南征足解嘲

淵淵頻振旅

寶蕪

坎坎戒行鈔
應變終無敵

仲恂

紆籌

欲並包諫應
堯帝納

晴初

罰比魯人郊
戰共銜枚馬

筱

石騰從射弩蛟柴與毋失律蕃室蓐食便行庖勲績符

銘柱寶蓀興亡感繫苞匠心齊點鐵仲恂娛耳異鳴匏

鎧擁軍前鑄晴初鞭搖塞上梢援桴朝迭奏筱石熨斗

夜常敲八陣威猶震蕃室三搥手漫拋懸鉦迴日馭寶

蓀臨表溼冰蛟浩浩鼉皮擊仲恂振振鷺羽梢攻同差

足擬晴初作頌獻螭坳筱石

假滿強起視事有作

三旬休沐藏身易萬事憂煎著手難船到急流愁轉柁
馬逢峻坂怯征鞍坐中爛額薪誰徙病後量腰帶笑寬
一局楸枰百無補雙輪日月去如丸

夏夜與亭秋聯句

暫領名園勝

亭秋

凭欄百感并凝香官閣靜

筱石

息影

海波平天闊雲多幻

亭秋

樓高月倍明紅搖燈一角

筱

石綠泛酒雙罍疊石看獅舞

亭秋

飛泉作鳳鳴閒情遲

漏箭

筱石

涼意撲簾旌永夜何嫌寂

亭秋

明朝又放晴

折花殷獻佛

筱石

如向普陀行

亭秋

明日十
九爲觀音誕辰

晚興和亭秋韻

料量詩戰與棋枰鶴舞鸚歌管送迎雙屐雲迷芳草徑
一甌月話野瓜棚平橋帆影潮頭落遠寺鐘聲夜半鳴
斜倚蕉窗誰共語疏燈紅處不分明

憶昌紋

七載忽忽過鸞輶去不還客情無可慰回首右台山
往事胸都塞今朝淚又枯愛根難捨割親熱博山鑪
亦知生是幻尙有夢通靈似說諸天上煌煌嬖女星
百憂無可療同病總相憐歸去先看汝西湖有墓田

病瘍

一病交堪絕平生誤杜康豈真仙可學直以醉爲鄉昔
日頌公德今朝腐我腸白將國士待薰沐幾蘭湯

病起內子約賞新荷率賦

旬餘病瘍今強起山妻邀我看花行筇輿扶舁出門去

涼風習習吹客旌不到園林曾幾日荷花萬柄爭相迎
紅情綠意不可唾一池水比滄浪清亭亭玉立嬌欲語
似亦憐我太瘦生開落彈指非吾意痛癢關心感爾情
獨惜已過生日後浮白未醉花一觥回頭笑向老妻說
看看花木欣向榮去年苦寂芳獨賞今年雖病詩同賡
夕陽照人影在地與君茶話瓜豆棚

寄懷少石大兄廣州

南海波濤洗鯉腥相思迢遞數階甃歸來華表輸元鶴
急難高原叫鵲鴿客裏俄驚雙鬢白兒時憶共一燈青
丁沽夜雨珠江月千里蕤絲兩地萍

遺興示亭秋

憑欄曲水羽觴流荷蓋青青爽客脾鷗館同心聯管趙
鴻泥留爪憶瞻由窗前度曲成金縷簾底看花捲玉鉤
差喜今年逢夏閏秋風遲上仲宣樓

再疊前韻

翛然石上枕泉流一色長天豁遠眸惜少新詩壓元白
不妨盛世作巢由臨池碧柳風搓綫隔院紅薇月上鉤
甌茗鑪香初入定思歸有客懶登樓

奉酬漁溪都護同年一首倒用元韻

納涼坐花陰蒼茫入暝色蓮葉亦有情接天無窮碧病

起強爲歡有慚謝公屐京華頻悵望斗柄每依北忽捧
故人面綿邈書盈尺爽自西山挹言匪東鄰責佳兒曾
侍側佳句苦尋覓悠悠一寸心舉念關飢溺大厦賴扶
持詎一手足力譬彼同舟濟乘風鼓畫鷁君才綽有餘
鵬搏氣難息忝爲同年友 恩榜早相識循陔遂初志
攀髯暫行役京秩清且都外吏等糾纏寵貽五言什字
字聲金石僕也病未能遠道勞相憶無才愧竊位有田
歸不得河海容細流曾何補涓滴世事那可說對君惟
默默盍觀蓬中麻不扶生自直

銷夏雜詠

河橋車馬靜無聲一榻橫陳萬慮清午夢初醒花解語
繞欄香氣撲簾旌

沈李浮瓜我尙能頭銜恰趁一條冰斜陽明滅疏林晚
遙看紅樓漸上燈

中歲頗矜腰腳健而今衰病懶登臨隨身七尺冰紋簾
獨向花前坐綠陰

昨夜雲陰送晚雷今朝一雨芰荷開盈盈綠水添三尺
無數魚兒戲葉來

嬋嬛精舍啟瑤窗新到三韓鶴一雙斜倚雕籠清睡足
夢回記否舊家邦

紅紅白白野花開
雨過泥融長綠苔
生意滿園關不住
任他蜂蝶採香來

閒攜藤杖著櫻鞵
倒影銀塘靜若揩
底事牆西留一角
送青惜少遠山排

樹色蒼茫落照痕
瓜棚豆架自成村
茶甌藥竈都清絕
送客親開月下門

園中卽景聯句

卅字闌干八角亭

筱石

娜嬛小立看雲停
新荷拂檻無

窮碧

亭秋

細草侵階不斷青
睨睨流鶯輕弄舌

筱石

翩

翻老鶴梢梳翎朝來一雨涼生簟

亭秋

晚待雙星靜倚

櫺四壁疏燈簾外影

筱石

半池明月鏡中形山居泉石

偏難隱

亭秋

天際仙璫未易聽千里懷人詩代柬

筱石

七年憶女夢通靈每逢佳日多生感

亭秋

宦境茫茫水

面萍

筱石

聞蜀亂

黑白惟輸一著先豹窺難測管中天還鄉幾輩高車馬
望信經旬斷紙鳶合社齊鳴諸葛鼓中宵徒奮祖生鞭
側聞兩府紆籌策聚米山川費轉旋

蜀事漸平有作

捷書夜到得機先露布聲馳劍外天設險舊聞收白帝

哭園今喜定朱鷺未煩司馬空傳檄應有劉寬善著鞭
寄語籌邊諸將帥莫因鑄錯苦周旋

病起示僚掾諸君子

北門卧治苦吟呻已是顏唐病後身國步方艱慚作牧
臣年非壯不如人簿書勉畫宗資諾風月還清庾亮塵
今日集思廣忠益素餐庭上憶懸鶉

答仲恂觀察詠鶉

蘭堂餘慶集雙鶉感召深慚化澤仁素食儆同貍獻獵
作賓喜共雁爲臣投懷似雀情何昵好鬪如雞性早馴
卻憶灾黎衣百結春臺幾輩樂陶鈞

中秋作示亭秋

花亞闌干月到門團樂小坐話黃昏燈前細酌茅台釀
一夜鄉心落酒尊

日暮西沾正打潮盈盈秋水沒虹腰河橋車馬喧闐甚
瓜果誰家譜玉簫

何年七寶竟修成閱盡人間幾濁清情懂似余難適俗
舉頭憐爾太分明

聞武昌警報

百戰收回一旦休

咸豐年間武昌三次不守
賴中興諸將百戰爭回

野棠搖落

渚宮秋何人間左鳴狐火有客江邊弔鶴樓萬戶蟲沙

悲浩劫十年薪膽費空籌
祖生自擊中流楫形勝依然
據上游

卽事

一夜秋風病欲蘇
故家喬木自扶疏
橫刀畢竟英雄概
授鉞偏逢浩劫餘
遺址漫尋銅雀瓦
危城已斷紙鳶書
隔江鸚鵡應無恙
芳草萋萋忍翦除
一卧滄江又五年
入雲重奏錦城絃
融金誰鑄六州錯
博奕惟輸一著先
落日荒原猶躍馬
上風順水好行船
赤囊已報失諸郡
隻手西南補漏天

聞道一首

聞道南衙一炬焦
楚天遙望意蕭騷
堪憐爨尾雙桐泣
無復天香十桂飄
誰向壁間晨訪碣
余曾刊詩壁間
有人江上夜停橈
高飛何處尋黃鶴
山後山前總寂寥

和答潤甫同年中秋詠月見懷

故人貽錦句
盥誦到宵深
皎皎一天月
悠悠兩地心
屈香兼宋豔
老帶與莊襟
莫漫青門隱
恩光近上林

團樂酬令節
扶病強登樓
燈火金吾夜

京師中秋燈火之盛不減元夕

風煙白帝秋

蜀亂未靖

豪情銷酒壘
涼意入簾鉤
盤玉兒時

月忽忽感白頭

和胡琴初觀察秋草元韻

曾辭雕輦掩長門
慣送王孫斷客魂
鸚鵡芳洲唳碧血
琵琶青塚伴黃昏
西風螢火爇三路
春夢鶯花又一村
試向離離原上望
劫灰猶有未燒痕

悲鳳

豐沛風雲不可論
羅浮煙雨賦招魂
呼鷹臺未依劉表
落鳳坡如弔士元
裝重似聞人去越
玉焚誰縱火炎崑
來公逝後岑公繼
目暝猶堪望國門

九日登高示亭秋

岑樓地迴俯城陰
簾捲秋風感不禁
西望雲山迷向背
南歸烏鵲尙飛鳴
聊將蟹酒酬佳節
喜有鷗波證素心

忍誦浣花好詩句萬方多難此登臨

和潤甫同年九月獨遊天甯寺作

山房塔影憶前遊客裏重陽病裏愁竹葉易成今日醉
菊花非復去年秋豪情我愧陳驚坐佳句君如趙倚樓
試向殘僧話塵劫佛龕蠟淚已先流

輓陸申甫中丞

一死眞堪張四維如公大節夫何悲旬宣膏澤留吳會
變幻風雲慘晉祠赤手已拚酬馬革素絲何止勵羔皮
獨憐八月津門話貽我寒山夜半詩

和花農卽事一首

奮武何堪衛九門三朝豢養荷深恩漫尋誰屋瞻烏止
已報 齋宮肅駿奔樓笛一聲思獨倚滄桑萬劫忍重
論逢君莫問長安事沾口潮回晝不昏

疊前韻

酒闌翹首望修門牛李何曾有怨恩鞠旅甫欽方叔望
伏辰又兆虢公奔捫將星斗尊前影念到家山曲裏論
黃菊滿園秋已老晚香留得伴晨昏

再疊前韻

動地鼙聲入薊門戴天誰感聖明恩蕭蕭易水長虹貫
莽莽中原逐鹿奔星火滿江惟釣侶棋枰一局與樵論

秋來縱有看花興
雙袞龍鍾淚眼昏

自感三疊前韻

垂老猶難返里門
瀧岡修阻負親恩
藏身匪豹功名累
過隙如駒歲月奔
萬里蠻煙天末感
卅年鴻雪畫中論
新成水流
雲在圖記臨流縱有澄清志
攬轡其如海氣昏

和包柚斧

望斷家書尺鯉鱗
更張琴瑟改絃新
浪淘揚子江頭水
灰認昆明劫後塵
世變滄桑猶賸我
望孚霖雨彼何人
留將乾淨一坏土
寄語含眞悟轉輪
余哭女詩有何處
尙存乾淨土句

疊前韻

累葉恩膏浹羽鱗造邦雖舊命維新委裘甫報三年政
擐甲俄驚一騎塵飲馬已臨建業水捕魚誰是武陵人
北門地接丹青近一片心常捧日輪

再疊前韻

秋風吹動石鯨鱗海上雲霞曙色新處處燒痕悲往劫
重重春夢憶前塵登樓況有思歸客卧榻甯無鼾睡人
殷鑒古今多覆轍惟資妙手斲車輪

十月二日展奠蓮漪夫人口號一首

事變已如此輪君得早眠臨風一尊酒回首墓門邊

問馮星巖中丞殉難九江

楓葉荻花淺水汀將軍一去樹飄零江流日夜空淘浪
地勢東南失建瓴一自烽煙徧吳楚幾人節操炳丹青
匡廬風雨聲蕭瑟秋老荒城隕大星

讀張文達公

百熙

退思軒詩集題句

一卷芬芳楚客辭開篇未竟有餘悲青蓮紅杏同千古
蒼狗白衣又一時燕國名高原不忝曲江仙去未嫌遲

公早歸道山
可稱全福

嗟余衰病百無補忍剔殘燈讀退思

聞官軍克復漢陽

捷書夜報漢南收一戰能平眾楚咻洪水龍蛇仍順軌
青春鸚鵡尙名洲改絃應有鍾期聽琴臺在
郡城懷刺爭尋

黃祖投遙望晴川開倦眼依依楊柳已無端

次韻奉酬松珊給諫

秋風多病倦登臺舊雨能來亦快哉日麗千門辭帝
出月明三徑爲君開論文海內誰知己折檻宮中惜
此才今夕兩行宮燭底莫談封事但傾醅

聞松珊移居率賦疊前韻

漫云無地起樓臺輪美哉兼美哉蓮炬昔從金殿撤
梅花今報綺窗開坐中君是觀棋客門下余慚掌鑰才
料得燈前小兒女紅泥撥火酌新醅

和答花農

受降城下受降書上將功高不自居同命豈無羅外鳥
更生應泣釜中魚五旬何止聞三捷百密須防有一疏
風雨八方大和會盡銷金甲集簪裾

再成

聞道甘泉報捷書眾星依舊拱辰居江邊應有樓招鶴
海上甯無壑縱魚若相姚崇時可救劇憐賈誼術先疏
作忠幾輩堪移孝溫嶠當年已絕裾

示松珊給諫

數點寥天雁字書一枝猶幸有巢居人才冀北空凡馬
名士江南多鯽魚世事茫茫愁日暮知交落落嘆星疏

艱難險阻嘗都徧重耳當年早斷裾

五夜焚香讀我書靈棋何處卜甯居似聞霸氣銷金虎
欲證禪心梵木魚曲徑雪融雙屐滑小窗月補一燈疏
平生志豈縈溫飽甘載朱門薄曳裾

松珊給諫貽元刻集千家注杜詩賦謝

千家箋注入詩囊如過浣花之草堂勛我置身同稷契
知公僞體薄齊梁後人沾丐殘膏馥此本流傳古色香
深荷吾宗風雅意案頭萬丈發光芒

給諫又贈茶甌一雙乃乾隆朝雞缸是可寶也復
作此謝之

聞雞起舞志猶存
破睡冰甌歛到門
得領旗槍清趣味
漫尋哥汝舊燒痕
深情如荷魚雙洗
寒夜疑浮蟻一尊
忽憶煎茶共春榜
殿前烹火鴨鑪溫

口號

腸斷江南燕子箋
斜陽猶照渚宮前
無情芳草王孫怨
有淚桃花士女緣
齊魯分青看未了
薛滕爭長讓誰先
銅駝不管興亡事
回首庚辛又十年

作示花農卽送其還京

雪後江天正列營
軍中一范敵曾驚
未聞誅錯聯吳楚
何可安劉少勃平
敵血幾人如穎脫
攻心衆志已城成

登仙豈獨班生喜觸我中宵戀
闕情

窗前看內子簪梅

瑤窗細細理薰篝簾爲看花捲半鉤雪後丰姿誰省識
瓣香先上玉搔頭

對梅花有感

一官衰病尙津門世事如斯無可言惟有寒梅知我意
數枝留伴月黃昏

送胡琴初觀察遊幕大梁

津沽賦別卽河梁千里星郵五夜霜重向夷門訪朱亥
早從冀野識孫陽一身書劍仍儒素萬劫蟲沙付彼蒼

知汝壓箱金綫貴爲人權作嫁衣裳

得假十日有作

衰病猶堪十日留千金一飯報空酬
攀號弓劍西陵墓舉目江山北固樓
民望敢希謝安石王前惜少薛居州
漢宮近報猶傳蠟日暮輕煙散五侯

南望

天南極目劇酸辛
煙雨樓臺變幻新
一片今無乾淨土
九秋前是太平民
未聞鐵鎖橫江上
已報戈船指海濱
赤子弄兵曾幾日
珠槃奔走五洲人

疊前韻

劫餘十載又逢辛
奚止長安棋局新
自大可曾尊漢使
子遺猶幸有周民
何時飲馬臨江表
有客驅車向洛濱
按劍中宵情起舞
扶危端望後來人

再疊前韻

挑燈夜話雜悲辛
對鏡還驚白髮新
齊物思尋漆園吏
受塵合作葛天民
儘多雞犬桃源裏
誰責包茅楚水濱
高卧雪窗留一榻
莫將鼾睡屬他人

三疊前韻

膽丸嘗盡苦兼辛
重睹旌旗海上新
犯闕豈容王處仲
刊碑應泣鄭安民
傳聞陸使說南越
可有坡詩寄潁濱

一字春秋嚴斧鉞會盟書法首王人

種梅示亭秋四疊前韻

自鋤明月不知辛喜見寒梅著色新一賦溫柔唐宰相
三生眷屬宋遺民孤芳笑傲疏櫺外瘦影橫斜淺水濱
說與紅閨須領取種花人是惜花人

讀兩當軒集五疊前韻

黃絹辭工美受辛

君早擅黃
童之譽

孫洪才調鬪清新自嫌詩

少幽燕氣我羨君爲堯舜民

君官雖不顯幸
生逢乾隆盛世

豪奪珠驪

采石下蹋翻樓鶴楚江濱寒蟲未可嘲飢鳳此事而今

孰替人

夜話東松珊給諫六疊前韻

祈穀仍頒舊歷辛江山再造喜更新
貴彊何取諸侯相直道猶存三代民
斬馬君曾攀殿檻騎驢我合老湖濱
紛紛蝸角爭蠻觸都是南華夢裏人

和亭秋梅花韻

正擬雕盤薦五辛玉盆先發一枝新
蕭疏雅合妻和靖婀娜渾如賦洛神
修到幾生邀月共夢回昨夜翦燈頻
綫南大有江南意數點窗前已報春

自嘲七疊前韻

桂辣椒香芥屑辛暮年滋味覺翻新
惟堅晚節酬知己

豈羨通侯博富民劫火灰殘葭琯後明日至家書郵滯錦
江濱如今老去無能役臣壯何嘗不若人

東華府諸君八疊九疊前韻

危樓一角曉煙辛雪後園林點綴新畫諾避人稱府主
歛題容我署天民夢游立馬吳山頂歸去觀魚富水濱
原草燒痕猶歷歷與君俱是眼中人

宦途閱盡百艱辛誰識婆娑歲月新太白酒家逢賀監
東坡僧寺訪懷民料量棲隱王官谷慚愧謳歌碣石濱
名士名臣兩無分一燈伴我作詩人

贈傅沅叔司使

北風吹而疾送汝作勞臣戈竟操同室醢還乞比鄰朔
羊尊夏正刑馬會春申穎向囊中脫羞爲十九人

冬至登紅樓

每逢長至敝芳筵今日銜杯一惘然隔岸柳容都是淚
故鄉梅信更誰傳才窮袞補愁添綫劫換灰飛易化煙
別有謝家兒女恨紋女冬至日生不堪絲竹感中年

問道

問道申江上羣雄尙擁兵河山非異姓尊俎未同盟誰
任腹心寄徒煩口舌爭殘棋何處著愁煞爛柯人

和潤甫同年長至見懷

一元初起扇微和對月飛觴發嘯歌
鑪火盡殘灰裏策鐵衾寒透枕邊戈
音書河北關山遠兵氣淮南草木多
留得清涼一片土釣徒容我署煙波

憂憤示松珊給諫逸真觀察

不能戰守豈能和憂憤逢君一浩歌
負展空貽博陸畫沈淵徒奮魯陽戈
宮人天寶猶餘幾朝士貞元已不多
千古英雄洵浪盡一江水縐付春波

和答花農京師

檢書燒燭度清宵風雨雞鳴暮又朝
咳唾詩成隨信到相思室邇覺人遙
君移居津門月餘近又回京鴻泥迹已重重印獸

炭寒先九九消獨有倚樓人一个籌邊無策愧文僥

憶申江友人

同舟胡越費調和太息如聞發櫓歌老去不堪腸轉殷
兒時翻悔手提戈浮雲西北鄉心切半壁東南戰骨多
忽憶故人滄海別通詞祇合託微波

感事和答潤甫

紛紛杜斷與房謀形勢空聞據上游不改朝廷仍北極
無邊風月尙南樓萬方多難悲臣甫一著殘棋付奕秋
十斛蒲桃原不惡有人破產博涼州

再疊前韻

累朝謨烈重貽謀誰望昭陵上樂游憫悴初明悲玉盃
高寒蘇軾戀瓊樓時雍欲變唐虞世長嘯忽驚天地秋
日薄虞淵猶可挽陸沈今古幾神州

自嘲三疊前韻

不用吾謀聊自謀扁舟欲作海天游賣漿閒訪客中客
載酒還登樓外樓楊柳陌頭應識我桃花洞口不知秋
獨憐一擲金甌缺太息東南四十州

悼端午橋尙書

間道少消息殘燈多夢思傳聞疑未死悵望忽成悲牛
李唐無黨來岑漢有祠人亡邦殄瘁愁裹客中尸

貽我眉山集知君萬里游
碁寒襲府月碑斷華山秋
豪俠平原膽煩寃智伯頭
錦城絲管盛哀咽不成謳

季也勞行役隨兄入劍門
蕭疏鴻雁影急難鵲鴿原
碧血酬諸將丹心奉至尊
西南天盡漏應有未招魂

與張安圃尙書夜話

江間波浪惡日暮客何之
世事那堪說東南已不支
燭花都是淚鬢影各成絲
吾病君亦老惜非少壯時

飛將軍歌

北方健兒好身手不軍棘門軍
細柳東南劫火殷天紅
海波獨戢鯨鯢吼白旗忽翻金
印黃乃假名字託王郎

將軍忠義堅於石，矯若鶻落鷹飛揚。
曉音瘖口調諸將，帶甲彎弓猛相向。
詰朝躍馬突重圍，四蹏風入覺神王。
回看斗大一州城，比戶秋來正苦兵。
代將甫新光弮墨，落日空照霍家營。
一戰礮火連山捷，再戰折斷車軸鐵。
仰天斫地擲頭顱，帳前受縛一軍泣。
將軍善戰蓋有神，甯將功狗易功人。
燎原聲勢頃刻定，壁觀笑煞東西鄰。
一身是膽膽如斗，智計肯落他人後。
發縱儻使緩須臾，勝負未知屬誰某。
有客扁舟渡遼河，停橈曾聽榜人歌。
昨日河干風浪惡，今朝風定水無波。
作鎮北門嚴鎖鑰，英姿何幸接褒鄂。
凱歸酌爾一尊酒，橫掃千軍如掃薶。

弔恒錫九都護殉難荊州

匍匐銜哀目從容就義年羣雄爭割據一死報皇天墨
經生無忝韓刀志早堅不堪臨別去絲竹後堂筵

君客秋赴

甯夏任夜深話
別情景如昨

十一月二十九日焚寄紋女

世變不堪說逢生亦大難廿三年一瞬花月夢中看

和花農韻時重來津門

老病生涯子美舟夕陽明滅仲宣樓一身未遂青門隱

二客如來赤壁游

兼謂顧漁溪

卧榻他人已鼾睡隔江商女

不知愁漢書濁酒平生好拍案聲中大白浮

再來花農

千塵海市一蘊廬地比長安不易居跋浪天吳雜紫鳳
登盤翠嶼佐銀魚新交碧眼瀛洲客舊夢青藜祿閣書
料得歲寒消九九俸錢爲爾辦屠蘇

卽事一首和答花農

黑甜一枕息如雷病鶴忘機莫浪猜狐火忽從中夜出
颶風偏挾暗潮來夢回但索寒梅笑霜勁旋看敗蘗摧
多謝良朋垂問切燈花喜入掌中杯

乞退獲請賦此留別

茫茫難問夢中天草草勞人暫息肩賜履忝居羣牧長

挂冠猶及 國門前倉皇頓走中原鹿哀怨空聞蜀道

鵑七十二沽春水綠

卸築日適值立春

煙波一曲好停船

慚愧蒼生望雨霖十年旄節 主恩深竭來大陸風雲

幻忍見虞淵日色沈誰爲兩間留正氣劇憐一病負初心
河橋多少新栽柳雪後婆婆裝感不禁

多謝羣公卧轍勞早從市上識荆高昭能創霸先延隗
蕭愧無規賴有曹秦地十城求趙璧吳淞一水試并刀
眼前無限滄桑恨此地尋源或種桃

艱難回首又庚辛祖帳今多去國臣華屋頻添知己淚
江湖猶是秀才身百年養士甯無報一柱擎天別有人

寄語幽燕諸父老絲旛仍報漢官春

移居卽事

豈是匡時具眞成異域居便沽新市酒還讀古人書報
國心猶壯謀生計已疏暫時充小隱風月滿吾廬

三載津門節維屏忝大邦長城嚴鎖鑰短榻夢湖江鄉
信經年斷民風此地龐輕裝吾早辦琴一鶴成雙

已遂登樓願還縈戀關心風塵覺遊倦潭水與春深

浩劫一身在繁霜兩鬢侵藏園梅樹下應有繞枝禽

一病催吾老棲遲尙海濱隱原非避世壯已不如人草
草攜家具茫茫寄此身龍鍾雙裏淚望斷屬車塵

葉文樵徐芷升兩觀察以范文正張江陵集相贈
賦此謝之

昇平事業仗諸君問字何勞過子雲已愧救時張太岳
更慚後樂范希文鶴猿傳侶休騰笑蠻觸紛爭總不聞
他日蔚成房杜業料應分寵到河汾

藏海園四憶詩

記汝歸來日天然縞素姿儘多亡國恨不少故園思我
今別汝去臨去復遲遲汝身尙有託我行將安之

高麗雙鶴

門楣乏光彩負汝錦屏張毛羽雖豐滿隻單不成行兩
年飽梁稻一夢忽滄桑歲晚須珍重鸚鵡伺爾旁

滇南孔雀

二隻近
附共一

中原莽馳逐此地白雲封捷獲誰先足幽棲尙養茸茫

茫感蕉夢草草寄萍蹤項下脾猶在他時許再逢

關外白鹿

千戈離亂裏嫌汝太多言亦解問安否何能老籠樊紅

稻啄餘粒綠衣思舊恩今朝北樓上懷我騁懷軒

隴西鸚鵡

奉酬吳仲懌中丞以詩見寄兼述鄙懷卽步大箸

梁園留別元韻

神武當年早挂冠

用梅村句

夢醒不覺夜漫漫姓名寄與垂

門柳交誼親於入室蘭各有心情傷老大不妨歌嘯雜

悲歡天時人事從何說對此茫茫集百端

草木平泉別有天知公清在出山前謝安棋墅驚殘局

庾信鄉關感暮年花下行廚邀客過公精於食譜夢中仙枕

借誰眠名場卅載心無競笑邁中興一輩賢

唐殿何堪問絳霄漢宮惆悵漏聲遙白雲世變多翻覆

黃海潮回自暮朝三市有情烏繞樹一場大夢鹿藏蕉

東皇不管興亡事分付春風轉斗杓

八斗才情不可量險從詩徑闢羊腸公詩戛戛獨造不拾人牙慧何

曾匡鼎功名薄早識吳公治具張七葉貂蟬綿世澤兩

河風雨共時陽曹隨敢謝蕭規在余先公五年撫汴治理寡效實深愧忤

燈火樊樓喜浩穰

把臂期君共入林
屐痕印處碧雲深
揚州金藥曾圍帶
魏國黃花不滿簪
廊廟江湖知爾志
皇天后土鑒余心
潮聲夜半魚龍覺
如聽成連海上琴

除日感事疊留別韻

飄飄萍絮客中天
短短籬牆尙及肩
爆竹聲稀塵市裏
篆煙香繞影堂前
似聞漢殿傳銀蠟
欲賦唐花感杜鵑
除日鄉心除不盡
肯將北馬換南船

作楫無功況作霖
引杯看劍坐宵深
王侯第宅新人貴
文武衣冠大陸沈
樓接五雲容縱目
門臨一水可盟心
遙知艮地占風起
回首觚棱感不禁

鞅掌北山敢告勞
厠身南畝下農高
乘時翊運期公等
老我催年任汝曹
白髮易生羞看鏡
碧流不斷悔抽刀
梅花數點供春酌
底事芳園豔李桃

歲盤料理薦椒辛
市井臣兼草莽臣
劫火燒餘還剩我
笙歌叢裏合抽身
茗談尙擬尋鄰叟
芹獻猶堪學野人
昨夜夢回聞曉漏
官花非復去年春

松壽堂詩鈔卷九

松壽堂詩鈔卷十

貴陽陳夔龍筱石
錢塘許禧身亭秋

借園集

甲辰元日來福堂家讌贈亭秋

筱石

記得重陽菊有華
子歸之子賦宜家
官梅體格幽蘭韻
不是尋常命婦花

門楣簪笏擅聲華
五代同堂積善家
待嫁卅年緣奉母
合將小字佩護花

雲漢星橋絢月華
香鑪深巷且爲家
折枝妙絕丹青手
閒向蕉窗弄墨花

移居竊喜傍東華
春色平分阿姊家
情話深宵勞秉燭
年年不負海棠花

無端烽火逼京華
浩劫紅羊百萬家
慚愧畫眉京兆筆
累卿對鏡損菱花

麥飯淒清幸翠華
留臺坐守不成家
心香還禮西天佛
處處慈雲處處花

五胡何敢亂中華
一過雷池豈是家
善會縱書紅十字
不因驛使寄梅花

如神料敵妙才華
日美英俄共一家
若與蘇張角智力
應輸舌辯粲蓮花

過眼滄桑閱歲華橫橋依舊暫還家扁舟又放袁江棹
夜雨淮園翦燭花

重向東京詠物華璇題新捧自天家與君共效華
封祝兒解呼嵩女獻花

少石大兄五旬壽日疊前韻寄祝都門

五色祥開日月華移根新傍帝王家七旬聖母乘
軒出開闢宮中迎輦花

海上蟠桃灼灼華壽筵分賜到臣家金錢買夜先三日
不待張燈已著花

廉吏兒孫厭綺華父書可讀喜傳家年年芳草春遊遠

忙過槐花又杏花

孀母衰顏雪鬢華三遷特爲擇鄰家
機聲斷後書聲續織就他年榜上花

蓬山風勁下金華管領尋常百姓家
蔽芾棠陰江漢永河陽不羨一時花

夜半紅燈照眼華妖氛散入五侯家
銅駝紫陌生荆棘閨裏黃楊晚著花

豸繡新猷蔚國華鶴書丹詔出
皇家廿年墨綬全拋卻來看長安走馬花

琉璃東廠湛清華賞徧書家又畫家
更喜斜街春色好

生朝一醉爲梅花

鵲原棠棣燦芳華
春草池塘夢謝家
別後弟兄頭易白
何年同賞故園花

杖朝杖國當年華
五秩開筵先杖家
兒解學詩爺學易
鯉庭桃李發新花

雪園卽事示幕府諸君再疊前韻

撲面春風換歲華
璇闈壽考慶
天家遼南已報平

安火洛下爭開及第花

本科會試
借用豫闈

期君努力惜韶華
作客登樓可憶家
肯似揚州狂杜牧
軍諮未了但看花

鴻案雙星鬪月華
綠楊春色到鄰家
款深黃祖腹中語
燦爛江郎夢裏花

春官桃李競芳華
八代文衰起大家
忙煞何郎一枝筆
翺名飛徧帝城花

可有笙詩補白華
恩恩將母暫還家
短衣又作譚庭客
閒與鄒枚賦雪花

燈前兒女豔春華
書畫堆船似米家
忽憶長淮舊吟館
紙窗清夢結冰花

已拚潘鬢厭霜華
敢詡溫公佛萬家
珍重樹人兼樹木
此來不爲洛陽花

平生嗜好御鉛華餘事詩家並酒家
春到戟門太清絕不知旌節已開花

棠已成陰棣已華黔靈蒼翠是吾家
錦江春色梁園雪不及長安一日花

江山奚必界夷華寰海車書混一家
留得黃龍清酒誓年年祝嘏獻番花

詠史三疊前韻

何須秋水讀南華不學公羊賣餅家
半部熟精魯論語十年孤負董園花

大度深沈鄧仲華苦心翊贊漢皇家
卽今賢儁爲時出

猶是當年手種花

仕宦金吾妻麗華蕭王建國首齊家春陵佳氣蔥蔥鬱
野飯渰沱冷麥花

史公文采擅風華特筆重瞳列世家歌罷虞兮數行淚
不將傾國罪名花

褐裘公子氣清華玉璽楊家入李家獨怪孫謀慚祖德
淋鈴一曲泣楊花

移宮往事記東華楊左紛紛護大家莫向東西談二李
千秋穢史付茄花

第一仙人萼綠華麻姑曾降蔡經家蓬萊弱水自清淺

脈脈無情送落花

一絃一柱惜年華
春意深藏蘇小家
何似莫愁湖畔月
夜來還照六朝花

楚宮腰細舞章華
秦女驂鸞蕭史家
七國雄雌分未得
霸圖先繪女兒花

閒依南斗望京華
灤水東西杜老家
一別令威驚化鶴
廿年不見草堂花

春日述懷和筱石韻

亭秋

裊裊清香祝翠華
聖恩浩蕩帝王家
虔誠默禱昇平福
上苑長開仁壽花

天上祥雲慶瑞華春風普及萬人家
盈街多爆平安竹堆案還呈富貴花

綺麗場中度歲華良宵清寂客思家
膝前兒女承歡日燈上雙開並蒂花

萬里無雲星斗華笛音風送出鄰家
洛陽今日春如錦

猶念當年姊妹花

姊丈廖仲山尙書曾爲汴中學政先姊隨任三年

江南風景最芳華紅杏村中賣酒家
闌徧柳隄春不盡隔牆斜出一枝花

湖上梅枝已吐華小溪停泊老漁家
閒情最是孤山鶴猶伴高人數落花

紅閨燭影絢光華獨坐蕉窗遠憶家
檢點雲箋無好句
夢回愧少筆生花

連縣甲第錦才華檢韻分題大作家
記得于歸京邸日
銀臺雙插燭生花

唱隨漫拂錦箋華鴻案齊眉宜室家
最喜元宵燈月好
相偕看遍 帝城花

羨君錦繡擅才華早有葵心向
帝家得意春風一枝
筆果然占盡 上林花

紅巾何故攪京華國已如斯敢問家
天子倉皇西狩
去可憐零落六宮花

拋卻高堂錦柱華竹籬茅舍暫移家
荒園聚處觀天象蓮漏催殘報曉花

綸音留守保中華議論紛紛各一家
待得和戎修玉帛飄飄散去白楊花

迎將御輦翠幃華動地歡聲百姓家
聖主從容歸故國萬民爭頌獻椒花

忽聞溫諭出東華暫定歸期且到家
錦纜牙檣舟放處遙聽高唱隔江花

袁江官舍湛清華除夕筵開慶闔家
愧少詩才行酒令小鬟擊鼓笑催花

留園池沼水光華客裏生涯宦即家卻喜波心一點月
小舟輕放採蓮花

平明天色巧雲華戶外雞鳴村舍家繞徧紅廊環曲曲
波光霞影照池花

紅橋掩映日光華寺內鐘聲古佛家最好沿隄數株柳
欹斜兩樹紫藤花

閒庭小步玩春華池內游魚亦戀家情絕荷芳數間屋
彎環多種木樨花

短短疏籬新月華飄颺旗斗鳥爲家
署前旗斗中有鵲巢春光賞
徧多明媚姹紫嫣紅滿院花

上得亭皋暮色華
小橋隱隱野人家
疏林籠翠遙觀處
細雨微濛蹴浪花

浩蕩濃恩湛露華
願君珍重報皇家
蠻煙掃盡邀天福
老屋橫橋好種花

繡幔低垂錦室華
春深畫閣吉人家
綸音優渥題松壽
兒捧香椒女獻花

附長女昌紋和作二首

郭外春光絢物華
杏帘高處有人家
洛陽景比金臺勝
閃爍庭前醒目花

名園春日是清華
桃杏林中賣酒家
風定荷芳書

院靜月鉤初上紫金花

乙巳六月昌紋病逝哭之以詩

筱石

十二年前次女殤

次女穎官甲午二月天亡曾有詩哭之

今朝長女又淪

亡天胡降酷兒奚罪我欲排雲問彼蒼

夜雨敲窗不可聆一場噩夢片時醒

連日風雨

瞻園翦燭重

回首

前在漕署曾有翦燭游園之樂

斷送芳華十七齡

恨事江花未足論朝曦初上已黃昏兒時蓋篋分明在

牘有臙脂染淚痕

未歿十日前猶開匣檢舊存臙脂分贈親串其匣乃庚子年避亂京師所

緘封也

華燭連番啟壽筵綵衣猶拜兩親前如何一枕游仙去

但聽山中叫杜鵑

五月三日余之生辰六月一日亭秋生辰女猶能起拜如常

銀漢秋清待渡河今年乞巧羨人多

女曾言今年署中女伴甚多七夕乞

巧格外有趣

難尋天上支機石已作人間春夢婆

癡心望爾耀門楣縱不生男且勿悲豈料一星先曙落

老夫何日再舒眉

畢竟彭殤理不齊天高無奈聽難低明知此恨緣醫誤

不敢昌言爲老妻

病爲羣醫一誤再誤三誤悔已無及

陶寫中年聊慰情生來眞悔太聰明棋枰曲譜丹青引

持較專家事事精

記得扁舟載福來薰風拂檻棣華開

福兒壬寅五月由鄂來姊弟二人相

得甚歡不奉酬新製齊紈扇畫譜淅涼委綰兒上月
印畫譜送女女喜甚買紈扇贈答以石
並擬病愈畫山水酬之今不能已

幾番瘦損帶圍寬一飯尋常下箸難含笑勉酬阿母意
阿紋今日強加餐

夜行衣錦當還鄉佛海仙山太杳茫最是山妻哀痛語
不須禮懺罷焚香

福有根荄禍有因每逢朔望倍傷神女病數月余每逢朔望謁廟行香輒
爲禱蓬萊不少長生藥可奈庸醫慣殺人

龍武新軍萬馬屯移家猶自戀脩門芝麻巷裏西頭屋

魚麪無多井水渾京師庚子七月之變余由京兆府移寓汪芝麻胡同時廚中無米僅存魚

大
少許爲女察饑而
井水又惡難以入咽

凝碧池頭百感并
鈞天一曲憶承平
嬌憨欲共荷花語

曾在金螳玉蝀行

西苑南北海蓮藥盛開
辛丑夏曾偕妻女一游

著手羣驚繡虎才
錦紋扶病尙親裁

時屆端午女猶以
錦緞作虎極爪牙

生動之致
菖蒲艾葉爲誰綠
再過端陽罷舉杯

生小偏憐視若孩
阿爺懷抱強爲開
長瓜短菜村娘語

都是牙牙上口來

兒時用村語令其學
話夜使婢媼教之

曾向東華寄一椽
兩家春好綠楊天
荷包穿過東西巷

費我春秋幾俸錢

余在戎部供職每逢散衙有暇輒繞
道至前門東西荷包巷買玩物貽女

時寄居廖仲山尙書亞
兄宅爲女降生之地

愛憐嬌女勝安昌絲竹何心列後堂慚愧清風生兩翼
爲兒三日奏霓裳

狐鳴篝火漫天紅三口零丁一畝宮大劫能逃偏小謫
悲哉梁苑起秋風

藥裹兼旬費品題五更風勁月華西不堪枕上呻吟語
轅外三軍罷鼓鼙

一寸明珠價罕倫無端失去掌中珍年前度曲成金縷
絕筆從今喻獲麟

上年余巡河在黑岡工次曾賦金縷曲貽女今女亡余亦不再填曲矣

卵已難完何有巢淒清月影上林梢金剛一卷資冥福

淚眼摩挲手自鈔

余久不作細楷特爲女手鈔金剛經一卷對靈焚之

在笥裳衣盡列陳一回檢視一傷神
燼餘都付仙人劫
修短穠纖可稱身

料理征帆候午潮不堪雨晦又風瀟
桃花流水春三尺

猶認當年白板橋

女臨危前兩日所見然則皆仙境矣

家山迢遞起蠻煙十載之江三放船
決計西湖置生壙
留將他日見黃泉

偶談時局到宵分堪恨觸蠻未解紛
何處尙存乾淨土

墓田應傍岳王墳

余偶談及時勢女義憤尤甚徐曰大局如此徒憂無益只好過一日算一日耳

豈非幸事耶

狼藉詩篇冷謝庭拋殘織錦淡疏星
病危猶解談天寶

閣道秋深夜雨鈴

昔趁江潮奉母行依稀夢裏喚兒名今番一別原非夢

不待呼名已失聲

女在浙余曾有詩憶之句云夢到迷離處依稀喚乳名

宛轉車聲柳岸沿畫船深夜藕花穿

均游漕署瞻園事

此情此

景空追憶說甚金環再世緣

亦思曠達學蒙莊永漏疏燈總斷腸後日買山種黃竹

不教再作女兒箱

屈指星期已第三怪他義馭不停驂

日月不居忽忽已過三七臨危

始遂歸歟願行過江南又漢南

女病時呼婢談上海漢口之勝嘗云現時雖未

能前往然聞汝等所言心胸頓覺軒爽

武昌有客寄魚函羨爾仙根自不凡說到戀親留八日

龍鍾老淚濕蕉衫

表弟姜海洲稍諳星象由武昌馳書云女係天河邊星六月十八日光忽

黯淡迨二十二日歿後其星至二十九始隕在署件我八日未忍遽別語雖荒誕然我心滋痛已

阿兄游學趁秋初聞耗紆途暫駐車臨別撫棺悲永訣

計程休報大雷書

六姪昌穀與女最相得由鄂赴日本游學聞女凶耗繞道來視時已病歿

半月矣

遺骸暫寄屋西廂爲近前榮待月光夜半魂歸如省識

應憐堂上有高堂

兩度相逢幻夢中分明殿座列西東愛河淨洗凡間骨

玉管珠纓便不同

女歿七日余夢見於某處殿屋座上次列東偏面帶愁容旋傳言將至河

邊洗骨倏忽不見昨又夢女由外房間走回內間頭帶
荷花式紫金珠冠手執玉簫面色不失常度而行步甚
急無女子態真耶幻耶是耶非耶余不得而知也

傷哉汝母最關情欹枕如聞索被聲昨夜病中驚坐起

夢回窗外有參橫

日前亭秋夢中所見

煙波隨處可浮家棧豆生涯計總差一箇弱來吾漸老

更難尋汝叫阿爺

夙擅紅閨盛德名一門僕媼盡吞聲深宵忽聽雙鬟泣

觸我中年以後情

願兒壽比石同金吉語延年寄意深條脫圖書今在篋

誰知蔡女竟亡琴

病時余以石章一方貽之文曰壽同金石其母復給以玳瑁鑲金條脫文

日延年益壽女大喜曰吉語聯翩我病想可告痊已今人亡物在能不悲乎

勉向妝臺理病容寶釵明鏡黯塵封髮絲付與阿娘手

毛裏他年一笑逢

未病時曾以餘髮交其母今尚存鏡匣中

八段圖經爲習勞茶餘飯罷試新操

女時以八段景練體操臨病猶習之

木蘭豈是癡兒女志在分陰運甓陶

余曾以木蘭從軍陶侃運甓事爲女

言之女爲之心動色舞

卻病無方退鬱蒸惟將心寄玉壺冰勞他親串祈多福

籤語盲詞未足憑

凡祈神問卜靡不協吉而竟如此天乎人乎

鵲噪晨檐報吉占返魂特爲晚香添五千道德曾何補

忌爾才高不道鹽

余爲女晨占鵲語夜爇心香并以五千金捐賑冀續女命而竟不能然則

女亦爲造物所忌也

幽明路隔認依稀風馬雲車款款歸地下若逢兩亡母

爲言汝父減腰圍

元配周夫人繼配丁夫人均早世女已先余見之矣

昔年祖母大吾門遺恨三房未抱孫

吾母臨終時諄諄言之

汝去

定蒙親愛惜膝前代我侍晨昏

蜀江鄂渚萬重山一紙家書去復還昨日平安猶報竹

小名牘尾不會刪

昨寄家書紙尾尙署女名蓋忘女已逝也心緒恍惚可想

假年何處乞靈符多謝羣公用意殊太息蘭階生趣窄

先秋一葉下庭梧

親串中有爲女乞年者意良可感

外家骨肉總關懷玉樹悲風碧蘚埋後甲先庚曾幾日

銜哀三處共營齋

女歿前一日其七舅父之女歿於京師本月十一日其一舅父之子亦歿

於京時未一月三處告哀

貓奴游戲漫窺窗警戶喚他吠影厖往事回思心似木
薤歌斷續不成腔

欲脫朝簪換酒籌那知對酒更增愁天荒地老兒何憾
不管雙親涕淚流

哭紋女

亭秋

記得京畿汝降生阿爺廉俸並無盈三朝湯餅浴兒日
借得黃金不滿籩

兒生時筱石觀政戎部景况艱難向鄰舍朱宅借得三十金作湯餅筵之費

自汝初生漸漸昌誤爲兒命福縣長回思學步呀呀語
今日如何不斷腸

昔日紅巾擾禁城庚子之變弱齡十二倍關情虬髯碧眼紛

紛至安得吾兒不受驚

挑盡殘燈汝病時阿娘帳外獨支持朝來強飯寬吾意

每作歡顏絕妙詞兒病時飲食銳減偶時適口必使婢告余曰今日加餐矣體熱稍減必執

余手日今日退熱矣

不期好友自南來眉葉欣欣爲彼開笑道秋期將乞巧

花陰深處踏蒼苔春間二姪女抱珠程甥媳寶英均自蘇來汴兒之好友也常言今年乞巧

比往年有趣不意未及期而兒已歿世能不傷心乎

轅外雞鳴報曉籌爲兒病劇每添愁焚香雖具迴天意
泉路茫茫不自由

枕席支離夢不成憐伊得病過清明

清明後十日得病

終朝檢

點兒時物每語鬟奴待起程

兒嫌此間風燥時有浙水之思病中收藏舊物謂婢

曰秋間將赴杭先行檢點行李免得臨期匆促今已不及同行

清和月底近端陽繡虎挑絲最擅長因惜嬌兒新病後

摩挲老眼爲他忙

每逢端節兒必作繡虎絲蒜蒲劍懸於帳沿今歲端節方病嬌喘可憐余

勉助成之物在人在亡

度日彈棋仔細思阿娘膝下每相隨

余每至机恨吾不

解嬌兒意遇事偏多兩意歧

想伊弱質本天生病體淹淹對短檠歷劫九旬形更瘦

雙眉蹙處暗生驚自服王如恂三甲引後每日必言腹漲心熱時時繃眉余或問之則笑曰

無他請母勿憂

夢回日日念蘇杭病時常令婢女談上海杭州風景畫謂余曰聽說斯語心中稍覺寬舒

幅書函細細裝小語娘前含笑道臨期惟恐太匆忙

誤服陳醫白芍方病由增重在肝陽宵來苦渴頻呼飲

怕聽蓮花夜漏長

何苦催兒到夜臺庸醫誤爾實堪哀初服王景松涼劑兒病漸減而有王

如恂首效毛蓮之自薦服其藥以致病劇改請郭文清診治雖未復元病亦漸愈而無如王如恂又倡說兒病甚劇謂再服涼劑不可救已彼石為所惑勸

兒仍服其藥遂至不起庸醫誤人可恨哉聞伊謔語

喃喃說斷我柔腸寸寸灰

六月十六日兒忽少愈曰父

兒又曰何吾一病如此昏昏其時服郭醫藥似有轉機又遠道延請趙令診治再服發散之劑遂不可救傷哉

呼母通宵話不休聽來句句有根由小橋流水桃花岸

十七夜兒病劇通夜自語不已有云碧水小橋五色蓮花又云一片桃花甚密可愛之至並呼婢折一枝以插

瓶歷歷皆是仙源古渡頭

卻值觀音佛誕辰憐伊從此罷含嚔臃腫雙目神俱失

勉強開眸認二親

十九日兒昏去片時醒來則從此不言如余與筱石偶至牀前則仍轉目

視而

天上紅霞烘彩雲誰知吾女竟離羣

二十二日午時歿

與常日不同親串中咸謂兒歿時貌含笑幽冥一隔何容似有來歷此去殆登仙界撒手凡塵矣

時見後事茫茫心若焚

爾爺得夢換仙裝吾乍聞之漸解傷每至臨眠憑暗禱

吾兒速到黑甜鄉

吾或有夢模糊難記或曰心記夢也

傳言伊本有仙根不念塵寰鞠養恩從此人天相隔處
哭枯老眼向誰論

月來終夜不能眠淚盡腸枯若自憐倚枕呻吟思往事
不如偕爾入黃泉

來從何處去無蹤未卜仙山第幾峯惟恐雙親添涕泗
微微玉面帶歡容

年來筆墨久無聊勉寫金經暮復朝情到不堪回首處

紛紛血淚溼鮫綃

余常患目疾久未握管茲勉力鈔金剛經二卷藉資冥福

曙色初明伏案前縱橫淚點溼花箋從今罷卻塵凡累

鬱鬱情懷半是顛

回看紗圍共繡衾誤猜橫卧覆羅襟模糊雙目驚疑處

只道而今又降臨

五更鼓寂曉霞明風動簾鉤夢乍醒恍似病中呼索茗

羅幃開處暗傷情

兒初病時夜中索茶余曰天將明少待再取約半時方到至今思之悔不

已及

棋枰盡幅細推敲每到深宵月上梢窗下含悲思往日

寸陰珍護不閒拋

兒幼時體弱不令其讀書稍長自喜書畫余每謂之曰汝慧而秀只要

福何必競
競于此

莫言星相理非真今日觀來卻有因猶記都中留識語

及并莫買洛陽春

十二歲時有星相陳君言十六歲忌到汴梁初未深信不料竟驗悔之不

及

恨我癡迷不自醒無端隨任汴梁城相莊情重兒情薄

誤盡蒼生悔此行

得病看看近百天強扶弱體坐窗前無端召得庸醫至

七日將兒送九泉

十國連營逼帝城二親戀爾暫偷生

庚子七月二十一日洋兵進城余欲

服洋藥因兒哭失聲而止其父移寓汪芝麻胡同夜起數次亦有自裁之意因女泣諫而止

光陰五

載忽忽過不道先吾返玉京

七夕佳期月上弦年年與弟總隨肩

兒每年七巧以繡絲穿鍼插瓜果中

自換新衣髻簪花朵形影宛在能不悲乎

金風玉露何時見境隔仙凡兩地

牽

玉露金風冷畫屏天邊牛女會雙星曾言汝亦其中住

謫降人間十七齡

中表姜君海舟曾言兒係天河須女星雖不敢信姑以此自慰耳

遠道傳來須女星仍將瓜果設中庭風吹落葉蕭蕭處

只道仙車環佩停

兒沒後束髮時清潔異常覺有芬蘭之氣從髮中透出幽香撲鼻最奇異

者病中所著衣服焚後均起花紋並有降香味此亦不易多見也

噉泣思兒近五更芝蘭體格態盈盈殘燈明滅淒涼處

夢內迷離呼汝名

余夢魂顛倒頻呼兒名

遺物零星密密封朝朝檢點淚珠濃

兒在時將文玩各物收藏整齊今日

檢點不免觸目傷心 竭來欲問生前語未卜仙山何日逢

昨夜冰輪映滿階月前今日尙依懷

前月望夜月色明朗扶兒至窗前看

月兒謂心中甚暢詎知從此不復再見矣 開奩但有遺珍在怕看傷心紫玉

釵

二十年前奉母旋今番送女又如前

前在山左遭母大故奉櫬返杭茲又

送女櫬南旋今昔同此傷感

夕陽影裏淒清景謝絕旌旗在道邊

松壽堂詩鈔卷十